

1.

Paulus papa V. Ad perpetuam rei memoriam.

2.

In supereminenti apostolicae sedis specula meritis licet imparibus disponente Domino constituti et intra mentis nostrae arcana revolventes, quantum ex litterarum studiis catholica fides augeatur, divini nominis cultus protendatur, veritas agnoscatur ac iustitia colatur. Ad ea, per quae litterarum studia huiusmodi ubilibet excitentur et humiles personae eis incumbere desiderantes, id efficere possint, libenter intendimus et in iis nostrae sollicitudinis partes propensius impartimur, prout pia ecclesiasticorum praelatorum vota exposcunt, nosque locorum qualitate pensata in Domino conspiciamus salubriter expedire. Sane, nomine venerabilis fratris Theodori, episcopi Paderbornensis sacri Romani imperii principis, nobis nuper expositum fuit, quod ipse a viginti annis vel circa, ut adolescentes suae civitatis Paderbornensis in bonis litteris, moribus et sincera pietate instituerentur et populus sibi commissus per frequentiam sacramentorum poenitentiae et eucharistiae necnon concionum, lectionum et sacrificiorum in spiritualibus promoveretur, in eadem civitate unum collegium Societatis Jesu, in quo humaniores litterae docerentur, per tunc existentem, praepositum generalern dictae Societatis, in vim privilegiorum sibi ab apostolica sede concessorum, erigi et institui curavit illudque opportuno aedificio construi fecit et competentibus redditibus annuis dotavit. Cum autem, sicut eadem expositio subiungebat, dictus Theodorus episcopus, provide consideret, tarn in suo quam vicinis episcopatibus magnam pehuriam parochorum, qui litteras sciant, ut populum erudire et serio haereticis eorumque falsis et erroneis opinionibus opponere, ac etiam eorum, qui cum dignitate dero saeculari, civitatibus, oppidis et 10cis ac etiam abbatii et monasteriis praefiei possint, existere et academias catholicas quinque aut sex dierum intinere distare; et contra vero propinqua esse gymnasia haereticorum, in quibus omnia studia ad haereses et falsa dogmata propaganda diriguntur ac sapientia huius saeculi gubernantur, et ad ea meliora saepe ingenia cum magno spiritualium et temporalium rerum damno proficiscuntur, et in tota veteri Saxonia nul lam adesse academiam catholicam. Et propterea, ut religionem catholicam, quae in locis sibi subiectis et vieinis episcopatibus viget, conservet et, ubi collapsa est, hac potissima ratio ne restituat ac suos subditos et vicinos quam plurimos ad litterarum studia et navandi bonis litteris operam excitet, universitatem studii generalis, in qua duae facultates theologia et philosophia cum scholis linguae latinae, graecae et hebraeae sub cura tamen, regimine et administratione dictae Societatis praepositi generalis et dericorum eius seu personae, a dicto praeposito generali deputandae, doceantur seu legantur, sufficientibus redditibus per eum dotandam ac competente habitatione aliisque rebus necessariis ei providendam, per nos erigi et institui summopere desideret. Nobis idcirco humiliter supplicari feeit, quatinus subditorum suorum saluti et commodo consulendo, in dicta civitate ac aedibus ipsius collegii universitatem, in qua Societatis praedictae religiosi theologiam, philosophiam et ingenuas artes praedictas publice profiterentur et iuvenes quoscumque docerent, apostolica auctoritate perpetuo erigere et instituere aliasque in praemissis opportune providere, de benignitate apostolica dignaremur. Nos igitur Theodorum episcopum a quibusvis excommunicationis, suspensionis et interdicti aliisque ecclesiasticis sententiis, censuris et poenis, a iure vel ab homine quavis occasione vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes et absolutum fore censentes, huiusmodi supplicationibus indinati. Et nunc, prout postquam dictus Theodorus episcopus suffieientes redditus ad infrascripta de suo attribuerit et de rebus necessariis providerit, in civitate praedicta ac aedibus dicti collegii, ubi nu nc scholae sunt seu forsitan in ampliorem formam construentur, universitatem studii generalis, in qua religiosi dictae Societatis theologiam necnon philosophiam, tarn scholasticam quam positivam, naturalem ac moralem, linguas latinam, graecam et hebraeam aliasque ingenuas artes praedictas publice profiteantur ac iuvenes quoscumque doceant ad instar aliarum universitatum studiorum generalium, tarn in transalpinis provinciis et regnis, quam alias ubilibet erectarum apostolica auctoritate praedicta, tenore praesentium, perpetuo erigimus et instituimus (sine tamen alicuius praeiudicio); ipsamque universitatem ac studium generale sie erectum et institutum curae, regimini et administrationi dictae Societatis et illius praepositi generalis seu ab eo deputandi, qui totius universitatis rector existat, praefata auctoritate, etiam perpetuo supponimus et submittimus. Ac eidem universitati illiusque rectori, magistris, scholasticis aliisque praefatis universis et singulis, ut omnibus et quibuscumque privilegiis, indultis, libertatibus, immunitatibus, exemptionibus, favoribus, gratiis, praerogativis, honoribus et praeeminentiis huiusmodi universitatibus illarumque pro tempore existentibus rectoribus, magistris, lectoribus, doctoribus, praeceptoribus, scholasticis, procuratoribus, bidellis, nuntiis, officialibus, ministris et aliis personis, in genere vel in specie, tarn pontifico quam imperiali, regia aut ducali auctoritatibus et alias pro tempore quomodolibet concessis, non solum ad eorum instar sed pariformiter ac aequae principaliter in omnibus et per omnia uti, potiri et gaudere. Et insuper rectori eiusdem universitatis et collegii pro tempore existenti, ut illos, quos in ipsa erecta universitate vel etiam alibi in alia quavis catholica per debuit tempus studuisse ac scientiae et moribus idoneos esse repererit, in praedictis facultatibus, artium et theoiogiae, ad baccalaureatus etiam formati, licentiatursae laurae ac doctor,atus necnon mag isterii gradus, servata in omnibus forma decretorum Viennensis et Tridentini conciliorumJ quibus in aliquo derogare non intendimus. Et alias iuxta universitatum aliorum studiorum generalium consuetudines et erectae urlversitatis statuta, promovere et ipsorum graduum solita insignia eis exhibere, utque ad dictos gradus, sic per illum promoti, postea publice et privatim etiam in omnibus aiiis universitatibus studiorum generalium facultates praedictas interpretari et alios docere et de eis disputare, gradui seu gradibus huiusmodi convenientes actus exercere ac omnibus privilegiis, gratiis, favoribus, praerogativis et indultis, quibus alii in

praedictis seu aliis universitatibus. Is et alibi iuxta illarum constitutiones et mores ad gradus praedictos promoti de iure vel consuetudine utuntur, potiuntur et gaudent ac uti, potiri et gaudere poterunt in futurum in omnibus et per omnia. Perinde, ac si gradus ipsos in universitatibus huiusmodi iuxta illarum mores et consuetudines rite suscepissent, uti, potiri et gaudere. Necnon pro tempore esistenti dictae Societatis praeposito generali, ut per se vel dictorum collegii et erectae universitatis rectorem aut alium seu alios pro salubri et felici dictae universitatis directione ac rectoris, magistrorum, procuratorum, bidellorum, nunciorum ac aliorum ministrorum et officialium muneribus et functionibus, modoque et forma docendi et alias sua officia exercendi et scholasticorum manutentione quaecumque statuta et ordinationes, licita et honesta ac sacris canonibus et concilii Tridentini decretis et constitutionibus apostolicis necnon contraria, edere et promulgare eaque pro temporum, rerum et personarum qualitate mutare, corrigere et formare seu illa cassare et abrogare ac alia de novo edere et super illorum observatione poenas eius arbitrio imponere. Dictaeque universitatis doctores, magistros, lectores, scholasticos, procuratores, bidellos aliosque ministros et officiales eligere et amovere seu electiones factas confirmare libere et licite valeant, auctoritate et tenore praefatis etiam perpetuo concedimus et indulgemus. Necnon domum, bona et iura a dicto Theodoro episcopo, ut praefertur, collegio et illius universitati per praesentes erectae, praefatis concessa et donata ac etiam concedenda et donanda, auctoritate et tenore similibus itidem perpetuo applicamus et appropriamus. Praesentes vero nostras litteras de nullitatis vitio notari seu impugnari, infringi, limitari seu in ius vel controversiam vocari aut adversus eas quodcumque iuris et facti vel iustitiae aut gratiae remedium intentari, impetrari vel concedi nullatenus unquam posse, sed illas semper et perpetuo adversus quascumque impugnationes et exceptiones validas et efficaces fore et esse suosque plenarios et integros effectus sortiri et obtinere debere.

3.

Sicque et non aliter per quoscumque iudices ordinarios et delegatos etiam causarum palatii apostolici auditores ac sanctae Romanae ecclesiae cardinales iudicari et diffiniri debere, ac irritum et inane, si secus super his a quoquam quavis auctoritate, scienter vel ignoranter, contigerit attentari, decernimus. Non obstantibus constitutionibus et ordinationibus apostolicis ceterisque contrariis quibuscumque. Datum Romae apud sanctam Mariam Maiorem sub annulo piscatoris, die secunda aprilis MDCXV, pontificatus nostri anno decimo. [Locus sigilli]